

Ammasumik ataatsimiinnermi oqaluuserisassat:

Imm.01 Oqaluuserisassat akuersissutigineri

Imm.02 Allaffeqarfimmiit paasissutissiineq

**Imm.03.1 Maniitsumut Sisimiunullu Teknikkimut, Pilersuinnermut Sanaartornermullu 2020-mi
juulimut qaammammut nalunaarut**

**Imm.04.1 Imermut errortuivikumut pilersaarummut 2021-2026-mut siunnersuummik
akuersissuteqarneq**

**Imm.05.1 Kalaallit Nunaannik nunap ilusaanut nunap assiliornissamut nutaamut satellitsikkut
assiliisarnissamut salliutitsineq pillugu tusarniaanermi akissuteqaat**

Imm.06 Tamalaat

Ataatsimiinneq allartippoq nal. 14:00

Peqataasut:

- *Juliane Henningsen*
- *Ulrik Lyberth*

Siumut

- Frederik Olsen
- Jacob Olsen

Atassut

- Siverth K Heilmann (Oqarasuaatikkut)

Inuit Ataqtigiit

- Axel Lund Olsen

Partii Naleraq

Nalunaaruteqarlutik peqataanngitsut:

Nalunaaruteqaratik peqataanngitsut:

- *Jens M. Lyberth*

Imm. 01 Oqaluuserisassat akuersissutigineri

Oqaluuserisassat saniatigut, Tamalaat tikinneqarpat, ataatsimiititaliamiik kissaatigineqarpoq allaffeqarfiup paasissutissiinissaa suliat uku pillugit::

- Aalisarnermut piniarnermullu isumasioqatigisitsineq
- Qimatulivimmi akit
- Eqqaavissuarmi ikkuallattoorneq.
- Qimmeqarfinnik atuiunnaarsitsineq akuerisaareemikuulluni periuseq
- Ukioq kingulleq aningaasaliissutit puttasut pitsanngorsaaneqarnissaanut piniartunullu nunaqarfinni quissanut atugassiat
- Ukiumut 2020-mut akit
- Tinutitittarfik
- Anartarfilerineq nunaqarfinni – eqqakkanik pilersaarusiaq
- 6.5 mio. kr. aningaasaliissutigineqarsimasut qimatuliviup pitsanngorsarnissaanut.
- Attaveqarniarneq Sisimiuni pitsanngorsarnissaa
- Suleriusussanut malittarisassat

Imm. 02 Allaffeqarfimmiit paasissutissiineq

Juliane Paasissutissiivoq

- Allaffeqarfiup ajuusaarutigaa ataatsimiinnissaa kinguaattuulaarmat tusaatissatullu tiguneqarpoq.
- Sanaartornermut oqartussatut atorfi inuttassarsiorneqarpoq.
- Pilersaarusionermut pisortaq atorfimmini aallartippoq
- Ingerlatsinerneq aqutsisoq 2020-imi oktoobarip aallaqqaataanik aatuutilertumik soraarniuteqarpoq. Atorfik inuttassarsiorneqaleruttorpoq
- Sulisistsisut kalaallit Nunaanni Kommuunimut saaffiginnissuteqarsimapput illoqarfimmi ataatsimiisitsiniarlutik, tassani kissaatigineqarsimavoq namminersortut kommunilu oqaloqatigiittarnerat pitsanngorsarneqarnissaa.
- Kangerlussuarmiik aqqusineq suliarineqaleruttorpoq, ukioq mannaluk 2020-imi septembarip 22-ani unitsinneqarallarnissaa naatsorsuutavoq.
- Bussinik ingerlatsineq 2021-2028 suliariumannittussarsiuunneqaleruttorpoq.

Ulrik Paasissutissiivoq

- Artorffillit najugaqarfssaat Maniitsumi suliariumannittussarsiuunneqarnera naammasileruttorpoq. Isumaqtigissusionerit aqqutigalugit sipaarniarloqarsinnaavoq sulii.
 - Ataatsimiititaliap isumalluarput inernerit tusagaqarfiginissaat paasissutissiippullu suliaq kinguaattooqqinngissaa kissaatigalugu. Siulittaasoq aqqutigalugu aaliangiisoqassappat ataatsimiititaliaq paasitinneqarumaarput.
- Assistent-itut atorfik inuttassarsiorneqarpoq.

**Teknikkeqarnermut ataatsimiititaliap september-ip 07-ani 2020 ileqquusumik ataatsimiinnerani
06/2020 imaqarniliaq**

Imm. 3.1 Maniitsumut Sisimiunullu Teknikkimut, Pilersuinermit Sanaartornermullu 2020-mi juulimut qaammammut nalunaarut.

J.nr.: 06.01.02

ERP systemeq nutaaq atorlugu qaammammut aningaasaqarnikkut nalunaarusiaq una siulliuvoq. 2020-mi qaammatinik pingasukkaarinermi siullermi soorlu taamak pisoqarnikuusoq systemi sulii iluatsivinngilaq, taamaattumik immikkoortut normuisa ilaannut missingersuutit allanneqanngillat. Taamaattorli missingersuut tamarmiusoq naatsorsorneqarnikuulluni. Nalunaarusiap matuma suliarinerata naalaani atuineq 2020-mi julip aallaaqqaataaniik naanissaata tungaanut naatsorsugaavoq.

OTM Maniitsoq sulii nalunaarusiornissamut isersinnaanngimmat, nalunaarusiaq una ataatsimoorussamik suliarineqarpoq. Tamatuma saniatigut sanaartornermut suliniutinut nutaamik nalunaarusiortariaaseqalernissaq pilersaarutaavoq, tamannali qaqugu atuutilersinneqassanersoq maannakkut ilisimaneqanngilaq.

Nalunaarusiamut tunngatillugu eqqaavilerinermit, nunaminertanik atugassiinermut akiligassiissutit assigiinngitsut, eqqakkanut, ungasianit kiassarnermut il.il. nikingapput, ukiumullu nalunaaruteqarnermut atatillugu kisitsisat eqqortut ataatsimut isigalugu aatsaat pissarsiarineqassapput.

Sumiiffinnut marluusunut ERP-mut ikaarsaarnermit, qarasaasiakkut nuutsitsissut kukkunernik imaqarsimammat aammalu akiliinissaq eqqarsaatigalugu akiligassiissutit annertuut tuaviortumik suliarineqarnikuusimammata, ukiup ingerlanerani nalunaarsuinissamik pisariaqartitsisunik kukkulluni nalunaarsuisoqarsinnaanera naatsorsuutigineqartarsinnaassasoq ataatsimut atuuppoq.

Teknikkeqarnermut ataatsimiititaliami ataatsimoorussamik ingerlatsineq	2020-mut missingersuut	jul-20	Piffissami atuineq katillugu	Naleqqi ussillun i Atuineq %-inngorlugu	Atuineq %-inngorlugu
561010000 SIS Teknikkeqarneq Avatangiisillu Stab	6.431.000,00	383.408,22	606.978,39	9%	91%
562040100 SIS Kalaalimineerniarfik - Qimatulivik		-463.277,03	-1.091.962,57		
562040200 SIS Entreprenøreqarfik		17.345,51	762.771,66		
562040300 SIS Ikuallaavik	1.446.000,00	726.378,62	3.179.013,48	220%	-120%
562040400 SIS Upalungaarsimaneq Qatserisartoqarfik	5.750.850,00	703.982,62	1.419.761,95	25%	75%
562040500 SIS Nunaminertamik atugassiineq		-4.388.250,00	-259.434,00		
562040600 SIS Sanaartornermut immikkoortortaq	91.519.000,00	5.048.500,84	10.220.907,70	11%	89%

**Teknikkeqarnermut ataatsimiititaliap september-ip 07-ani 2020 ileqquusumik ataatsimiinnerani
06/2020 imaqarniliaq**

562040700 SIS Eqqagassalerineq/anartarfilerineq	-741.000,00	471.476,88	926.330,32	-125%	225%
562040800 SIS TEKNIKKIKKUT Ingerlatsineq	23.601.000,00	1.561.351,25	7.477.743,46	32%	68%
563010000 MAN Teknikkeqarneq Avatangiisillu Stab	3.300.000,00	585.391,36	1.183.639,11	36%	64%
563030100 MAN Kalaalimineerniarfik		-226.982,58	-337.713,50		
563030200 MAN Entreprenøreqarfik		14.474,21	196.036,19		
563030300 MAN Ikuallaavik	2.324.000,00	144.348,33	338.913,30	15%	85%
563030400 MAN Upalungaarsimaneq Qatserisartoqarfik	3.291.000,00	246.036,79	755.642,44	23%	77%
563030600 MAN Sanaartornermut immikkoortortaq	57.278.000,00	2.751.014,59	5.432.897,97	9%	91%
563030700 MAN Eqqagassalerineq/anartarfilerineq	415.000,00	346.410,16	134.865,84	32%	68%
563030800 MAN TEKNIKKIKKUT Ingerlatsineq	13.200.000,00	1.237.821,25	7.316.122,39	55%	45%
Kisitsisit pingaarnert	207.814.850,00	9.159.431,02	38.262.514,13	18%	82%
Sanaartorneq ilanngunnagu katinnera	59.017.850,00		22.608.708,46	38%	62%
Sanaartorneq ilanngunnagu katinnera Sisimiut	36.487.850,00		13.021.202,69	36%	64%
Sanaartorneq ilanngunnagu katinnera Maniitsoq	22.530.000,00		9.587.505,77	43%	57%

Teknikkeqarfik: Sisimiut

Missingersuutit pingaarnertut naleqqupput, immikkoortortanili ataasiakkaani missingersuutit suli inissinneqanngillat.

Tamanna Sisimiunut Maniitsumullu atuuppoq.

Teknikkeqarfik: Sisimiut

562040100 SIS Kalaalimineerniarfik - Qimatulivik

Kalaalimineerniarfimmur missingersuutit systemimut nutaamut suli ikkunneqanngillat.

Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikkippallaarnissaanik takussutissaqanngilaq.

Ilanngussaq 1-imili kalaalimineerniarfiit ”tuniniaaviit” allanneqarsimasut takuneqarsinnaapput, taakkulu SIS Ingerlatsineq teknikkikkut immikkoortortaanut missingersuuteqarlutik, tamannalu siuliani allassimasumut nassuiaataalluni.

562040200 SIS Entreprenøreqarfik

Immikkoortortaqarfik Entreprenøreqarfiup iluani asfalterineq, qimmiliviit, iliveqarfik, majuartateqarfik kiisalu qamutit mootorillit inissisimapput. Ilanngussaq 1 innersuussutigalugu, immikkoortortat SIS Entreprenøreqarfik SIS TEKNIKKIKKUT Ingerlatsivik assigiinngitsunik missingersuuteqarlutik assigiimmik ”siunertamut taaguuteqartut”-nik imaqarput.

Immikkoortortanut missingersuutit immikkoortortanut arlalinnut inissinneqaratik, ataatsimut inissitsiterlugit aaqqiivigineqarnissaat ingerlanneqartariaqarput.

562040300 SIS Ikuallaavik

Ikuallaavimmut atatillugu, eqqagassanut akiliutitigut avataaniillu kissamik tunisinermi 6.45 mio. koruunit missaanik isertitaqarnissaq naatsorsuutigineqarpoq. Ukiut siuliini misilittakkat atuinnermi procentit annertuumik nikerarneri takutippaat. Nukissiorfinnut avataanit kissamik tunisinissamut atatillugu ikuallaavimmit anguniagaq anguneqarsinnaanngitsoq naatsorsuutigineqarpoq - ukiuni kingullerni missingersuutit 75 %-it missaani inissisimanikuulluni.

Aningaasaqarnermut systemimi nutaami isertitat eqqortumik inissinneqarsimanersut ilisimaneqanngilaq.

562040500 SIS Nunaminertamik atugassiineq

Immikkoortortaq SIS Nunaminertamik atugassiineq siusinnerusukkut ingerlatsivimmi atuiffik 2-p iluani atuiffimmi inissisimanikuuvoq. Akiliutinit, containerinik attartornerit umiatsianillu inissiivinnit isertitat, immikkoortortap iluanut inissinneqartussat atuupput. Nunaminertanik atugassiinerit, containerinut inissivissanik attartortitat kiisalu umiatsianut inissiivinnik attartornerit amerlassusaat atuinnermut apeqqutaasarput.

562040700 SIS Eqqagassalerineq/anartarfilerineq

Eqqaavilerineq namminersortunut suliariumannittussarsiorneqarnikuuvoq. Suliassamut akiliineq atuiffimmit tassanga pisarpoq kiisalu innuttaasunit suliffeqarfinniillu, kommunip imaartittarnermut aaqqissuussaanut ilanngunneqarsimasunit isertitat ilanngullugit. 2019-imi decembarip 31-ani entreprenørinik eqqagassanik anartarfinnillu imaarsisarnermut nutaamik isumaqatigiissuteqartoqarpoq, missingersuutitigullu iluarsisuteqartoqarearluni. Aningaasartuutit isertitallu akornanni missingersuutitigut oqimaaqatigiittoqarnissaa naatsorsuutigineqarpoq. Eqqagassalerinermut anartarfilerinermullu imaarsisarnermut ingerlatsisumut akiligassat anillatsinneqartartut akilerneqartarneri nikingasuupput, taamaattumillu atuneq eqqunngitsumik takussutissiisarluni.

562040800 SIS TEKNIKKIKKUT Ingerlatsineq

562040200 SIS Entreprenøreqarfiup iluani allaaserineqartut innersuussutigalugit, immikkoortortat marluusut SIS Teknikkikkut Ingerlatsineq aamma SIS Entreprenøreqarfik arlalitsigut assingussuteqarput. Taakku siusinnerusukkut Winformatik-imi atuiffik 2 – TEKNIK iluani ataatsimoortinneqarnikuupput. Ukiut sisamararterutaani siullermi aputaajaanermut pingaarnertut atuuppoq. Ukiut siuliinut sanilliullugu ukiup sisamararterutaani siullermi annertunerusumik apisimanera patsisaalluni, missingersuutaasunit aputaajaanermut aputinillu katersanik assartuinnermut aningaasartuutit annertunerupput. Ingerlatsinermut aqutsisut naatsorsuutigiaat, maannakkut missingersuutinut ukiup sisamararterutaata sisamaani ukiuunerani aqqusinernik aserfallatsaaliinerit ingerlateqqinneqarneratigut sippuilluni atuisoqalissasoq.

Teknikkeqarfik: Maniitsoq

**Teknikkeqarnermut ataatsimiititaliap september-ip 07-ani 2020 ileqquusumik ataatsimiinnerani
06/2020 imaqarniliaq**

2020-mut naatsorsuutit tamarmik (amerlanerit) allattorneqartut, kukkulluni nalunaarsuisimanerit aaqqiivigineqarnissaannut misissorneqassapput. OTM suliamik aallartitsereerpoq. Akiligassat siulliit 400-t suliassanngorlugit nassiunneqareerput, sinnerilu kingusinnerusukkut malinnaatinneqassallutik.

563010000 MAN Teknikkeqarneq Avatangiisillu Stab

Teknikkikkut immikkoortortanut arlaqartunut atuiffik nalunaarsuiffittut atorneqarpoq, matumani kommunip allaffianik ingerlatsineq, allaffissornermi atortut il.il. ilanngullugit.

563030300 MAN Ikuallaavik

Kukkusumik nalunaarsuisoqarsimanissaanik misissuisoqarnissaa natsorsuutigineqarsinnaavoq.

563030400 MAN Upalungaarsimaneq Qatserisartoqarfik

Upalungaarsimasunit immikkut ingerlanneqarpoq.

563030700 MAN Eqqagassalerineq/anartarfilerineq

Eqqagassalerinernut akiligassiissutinik qaammatit pingasukkaartuuneri pissutigalugit atuiffik 563030700 qaammatinut pingasunut aningaasartuuteqartutut isikkoqarpoq, massakkorpiarli suli isertitanik ikkussisoqarsimangilaq. Ima isumaqarpoq, atuneq qaffasissorujussuurtut isigineqarsinnaasoq, tamannali maajimi nalinginnaasuvoq.

563030800 MAN TEKNIKKIKKUT Ingerlatsineq

Teknikkikkut immikkoortortanut assigiinngitsunut, matumani kommunimik ingerlatsinermut, allaffissornermi atortunut nioqqutissanut aammalu nutarterinernut nukingernarsinnaasunut kukkusumik nalunaarsuisoqarsimanermut misissuiffigineqarnissaanut naatsorsuutigineqartunut ilanngullugu, atuiffik nalunaarsuiffittut atorneqarpoq.

Sanaartornermut tunngasut: Sisimiut aamma Maniitsoq

Teknikkeqarnermut ataatsimiititaliami ataatsimoorussamik sanaartorneq	2020-mut missingersuut	Ukiup sisamararter utaani pingajuani atuneq	atuneq juli 2020	Piffissami atuneq katillugu	Naleq qiussil luni Atuneq %-inngorlugu	Atuneq sinnettoq %-inngorlugu
562040600 SIS Sanaartornermut immikkoortortaq	91.519.000,00	7.256.916,75	5.048.500,84	17.477.824,45	33%	81%
010500 Qeqqata Kommunia Ataatsimoorussaq	41.500.000,00	661.669,35	337.418,50	1.151.230,69	5%	97%
010570 Maniitsoq		49.500,00	12.390,00	61.890,00		
010573 Kangaamiut			1.050,00	1.050,00		
010580 Sisimiut	42.919.000,00	5.239.858,92	4.697.642,34	14.525.240,12	58%	66%
010581 Itilleq		69.154,00		59.769,16		
010582 Kangerlussuaq	7.100.000,00	1.233.187,50		1.292.597,50	31%	82%

**Teknikkeqarnermut ataatsimiititaliap september-ip 07-ani 2020 ileqquusumik ataatsimiinnerani
06/2020 imaqarniliaq**

010583 Sarfanguaq Sarfanguit		3.546,98		386.046,98		
563030600 MAN Sanaartornermut immikkoortortaq	57.278.000,00	8.127.921,66	2.751.014,59	13.560.819,63	41%	76%
010500 Qeqqata Kommunia Ataatsimoorussaq	10.795.000,00				0%	100%
010570 Maniitsoq	41.353.000,00	8.022.021,66	2.751.014,59	13.454.478,77	56%	67%
010571 Atammik				-4.383,32		
010572 Napasoq				-3.786,72		
010573 Kangaamiut	5.130.000,00	105.900,00		114.510,90	4%	98%
Kisitsisit pingaarnert	148.797.000,00	15.384.838,41	7.799.515,43	31.038.644,08	36%	79%

Sanaartornermut tamarmut tunngatillugu tamakkiisumik missingersuutaasunit 148,797 mio. koruuninit atuineq 21 procentimiippoq.

2020-mi februaarip 18-iani Aningaasaqarnermut ataatsimiititaliap ataatsimiinnermini nutarterinissamut aningaasaatit agguataarneqarnissaanut aalajangiinera naapertorlugu, sanaartornermut immikkoortortaq Sisimiunut ilanngussaq 2-mi suliniut 1-imut aningaasat 7,2 mio. koruunit Maniitsumut tunniunneqarput. 2019-imi decembarip 17-iani Aningaasaqarnermut ataatsimiititaliap ataatsimiinnermini aalajangiiffigereeraluaraa, sanaartornermut immikkoortortaq Sisimiunut ilanngussaq 2-mi, suliniut 152 Kuuffissuit nutaamut aningaasaliissutit 6 mio. koruunit, Sisimiunut Maniitsumullu suliniut 153-imut 154-imullu agguataarneqarsimangillat. Taamaalilluni Sisimiut Maniitsullu akornanni agguataarlugit atuinerit inernerit procentillu eqqortumik takussutissiingillat.

Sisimiut:

Sisimiuni sanaartornermut immikkoortumi atuinikiffiusimaneranut, sanaartornerit arlallit ukuiunerani uninngasimaneriniq, ilaasalu siunnersortimi pilersaarusiorneqarneri patsisaapput. Akiani meeqqerivik 4-mut toqqaviit aallartinneqarput, Nikkorsuarnilu utoqqaat inissiassaanut aqqaneq-marluusunut quleriit siullermi betong-ilersuineq ingerlanneqarluni. Sarfanguani timersortarfik tamatigoortumut entreprenørinik akikinnerpaamik neqerooruteqartunut isumaqatigiissut atsiorneqareerpoq. Aqissilimmi kiisalu Chr. 28 Aqquserngani nutaamik kuuffissualersuinerit ingerlateqqipput. Kaaliikassaap Eqqaavimmullu akornanni aqqusineq Siaqqinneq nalimmassarneqareerpoq, asfaltilersorneqareerpoq kiisalu qullersuit ikkussuunneqareerlutik. B8.2-mi sanaartorfissagissaaneq naammassisarneqarpoq, C14-imi sanaartorfissagissaanissamut entreprenørinut akikinnerpaamik neqerooruteqartunut isumaqatigiissut atsiorneqareerluni. Kangerlussuarmi illu tamatigoortoq matuneqareerpoq, iluatungaani sulinerit aallartisarneqareerlutik, nappaanersiortoqareerportaaq.

Maniitsoq:

Ungusivik: Ulloq manna tikillugu immikkoortoq 1-ip 70 procentiata missaa suliarineqareerpoq
Annertusoq-Tunoqqusaq ikaartarfik: Ulloq manna tikillugu nutarsaanerup 35 procentiata missaa suliarineqareerpoq.

Avannamut Kangimut illoqarfiup immikkoortuanut nutaamut aqqusinissaq suli aallartinneqanngilaq Sarfanut majuartaat suli aallartinneqanngilaq.

Maniitsumi ilaqutariinnut inerisaavik: Sanaartorneq suli aallartinneqanngilaq, 2020-mi oktobarip aallartinnerani aallartinneqarnissaa naatsorsuutigineqarpoq.
Atuarfik Kilaaseeqqamik nutarterineq. Sanatitsisup siunnersuutaa utaqqineqarpoq.
Kangaamiuni atuarfimmik nutarterineq. Sanatitsisup siunnersuutaa utaqqineqarpoq.
Ivissuarni kuuffissuit nutaat. Pilersitsineq ingerlavoq.
Napasumi iliveqarfik. Ujaqqat sinaakutissat amigaatigineqarput, Masik suliamik ingerlatsivoq.
Atammimmi aqqusinernik pitsanngorsaaneq suli aallartinneqanngilaq
Inuussutissarsiornermut immikkoortumi nutaami qaartiterutaasivissamut aqqusinniorneq ingerlavoq.
Inuussutissarsiornermut immikkoortup eqqaani umiatsiaaralivissamut/containerinik inissiivissamut nalimmatserineq ingerlavoq.

Teknikkeqarnermut Avatangiisinullu immikkoortortamit Teknikkeqarnermut ataatsimiititaliamut innersuussutigineqarpoq:
Sisimiuni Teknikkeqarnermut, Pilersuinerneq Sanaartornermullu 2020-mi juulimut aningaasaqarnikkut nalunaarussiaq akuersissutigineqassasoq.

Aalajangiineq

Allaffeqarfimmi ERP systemip suli iluatsvinnginnera patsisaalluni aningaasaqarnermut nalunaarussiaq iluamik inaarneqanngimmat, ataatsimiititaliamit immikkoortoq **ilisimatitsissutitut** tiguneqarpoq.

Kulturikkut illorsuup allilernerneqarnissaa pillugu killiffimmut nalunaarussiaq, tulliani ataatsimiinnissamut ilisimatitsissutigineqassasoq kissaatigineqarpoq.

Aqqusinikkut angallannerneq misissueqqissaarneq atuiffimmut pilersaarummut nammineq suliniutip normuanut aamma atuiffimmut allattuivimmut immikkut atuutissaaq.

Ilanngussat

1. Ingerlatsineq peqqissaartumik allaatigisaq juli 2020
2. Sanaartorneq peqqissaartumik allaatigisaq juli 2020

Imm. 4.1 Imermut errortuivikumut pilersaarummut 2021-2026-mut siunnersuummik akuersissuteqarneq

Journal.nr.25.03.01

Tunuliaqutaq.

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat. Nalunaarut illoqarfinni nunaqarfinnilu imermut errortuivikumut pilersaarutit marluk immikkoortut suliarineqarnissaannik aalajangersaavoq. Suliamik saqqummiussaqaq una Qeqqata Kommuniani Sisimiunut, Maniitsumut Kangerlussuarmullu Imermut errortuivikumut pilersaarummut 2021-2026-mut siunnersuummut tunngassuteqarpoq. Kangerlussuaq illoqarfinnut imermut errortuivikumut pilersaarummi ilaatinneqarpoq, Kangerlussuarmi imermik errortuivikumik suliaqartarneq illoqarfinnik Sisimiut aamma Maniitsoq naleqqiunneqarsinnaammat. Kangerlussuarmi illoqarfittuulli kuuffissuarnik pilersitsiviunikuuvoq, nunaqarfifillu sinneriniit imermik errortuivikoq annertuneruvoq. Illuatungaatiqut nunaqarfinnut imermut errortuivikumut pilersaarut imermut errortuivikumut pilersaarummi immikkoortumi suliarineqarpoq, TAI-mi suliarineqarluni. Imermut errortuivikumut pilersaarut kommunalbestyrelsip akuersissutigineqarnerata kingorna sapaatit akunnerit arfineq-pingasuni tamanut tusarniutigineqartussaavoq.

Maleruagassatigut tunngavigisaq

- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat normu. 10, 12. juni 2015-imeersoq
Nalunaarutip kommunit tamaasa imermut errortuivikumut pilersaarummi suliaqarnissaannik aammalu siunnersuut tusarniutinngorlugu nassiunneqarnissaannik peqquvai, tak. § 4, ilanngussaqaq 6.

Pissutsit atuuttut

Imermut errortuivikumut pilersaarut Rambøll-imit TAI-millu suliarineqarpoq, aammalu Qeqqata Kommuniani imermut errortuivikumut pilersaarut siulliulluni. Imermut errortuivikumut siunnersuutaagallartoq Ilisimatusarnermut Avatangiisinullu Naalakkersuisoqarfimmi siumut tusarniutaanikuuvoq, tassangaanniillu oqaaseqaatit imermut errortuivikumut pilersaarummut siunnersuummut uunga ilanngunneqarnikuupput.

Pilersaarut imermik errortuivikumik suliaqarnermik pioreersumik kiisalu sumiiffinni pingasuni qulaani taaneqartuni imermik errortuivikumik kuutsitsinermit eqqaanermullu siunissami suliniutinut pilersaarummi tamakkiisumik imaqarpoq. Taakku saniatigut imermut errortuivikumut immikkoortup iluani anguniagassat tulleriaarneqarput aammalu suliniutinut tigussaasut pilersaaruseriorfiup ingerlanerani naammassiniagassat ilisaritinneqarlutik. Pilersaarutip piffissarivaa ukiut arfinillit 2021-miit 2026-mut atuutissalluni, ukiunut arfineq-marlunnut 2027-miit 2035-p tungaanut malitsigisaanut atuuffissaanut piffissaliussamik ilalerneqarluni.

Imermut errortuivikumut pilersaarut pilersaarutit tallimanik immikkoortunik ilaqarpoq (ilanngussami 1-5 ilanngunneqartut). Pilersaarut tamakkiisooq imermut errortuivikumut immikkoortuanik takussutissiillunilu eqikkaasoq, tassani ilanngussanut takussutissiaq kiisalu suliniutinut salliutitassanut aningaasaqarneq piffissatullu pilersaarut ersilluni. Taakku saniatigut pilersaarutit ilaannik sisamanik peqarpoq, taakku tamarmik immikut immikkoortunik tullinnguuttunik nassuiaatitaqarlutik; kuutsitsiffigisaanut pissutit, kuuffissuit aqqaataat, kuuffissuarnik nutarsaaneq anartarfilerisarneqarluni.

Imermut errortuivikumut pilersaarummut piumasaaqatit Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat normu. 10, 12. juni 2015-meersumi § 4mi takuneqarsinnaapput. Tullinnguuttumi imermut errortuivikumut pilersaarutip imarisaa eqikkaarneqarpoq;

- **Imermut errortuivikumut pilersaarut 2021-2026 (2027-2033):** Pilersaarutit ilaannik sisamaasunik eqikkaaneq, tunuliaqutaq anguniakkallu, sumiiffinnik ilisarititsineq, inatsit pilersaarusiornermullu tunngavigisaq, suliniutit piffissatut pilersaarutitallit aningaasartallillu pingaarnersiorneqanerannik takussutissiaq, kuuffissuit aqquaat pillugit pissutsit pioreersut siunissamilu pissutsit pillugit ilaatigut kuuffissuaqarfinnut eqitsisinik aamma nunap assingunik takussutissallit S-1, M-1 aamma K-1 ilanngussat.
- **Pilersaarutip immikkoortua 1 - Kuutsitsiffigisanut pissutsit:** Illoqarfinni/nunaqarfinni pingasuusuni kuutsitsiffigisani kuutsiffigisanut missiliuutinut killiffimmik siunissamullu nassuiaasoq. Kuutsitsiffigisani erngup pitsaassusissaanut anguniakkanik ilisarititsineq, kuutsiffigisat pillugit suliniutit, kiisalu illoqarfinni pingasuusuni tamani avatangiisinik misissuineq pillugu pilersaarut, saliinermut atortulersuummik pilersitsinissamut pisariaqartitsinermik nalilersuinissamut tunngaviliisussaasoq.
- **Pilersaarutip ilaa 2 - Kuuffissuit aqquaat:** Illoqarfinni/nunaqarfinni pingasuusuni kuuffissuit aqquataa pioreersunut killiffimmik nassuiaat paasissutissallu, kiisalu immikkoortunik ullumikkut kuuffissualigaanngitsunik kuuffissuallinissamut iliuusissatut pilersaarut.
- **Pilersaarutip ilaa 3 - Kuuffissuarnik nutarterineq:** Kuuffissuit aqquataannik aserfallatsaalinissamut nakkutilliinissamullu kiisalu nutarsaanissamut pilersaarummik nassuiaavoq.
- **Pilersaarutip immikkoortua 4 - Anartarfilerisarfiit:** Illoqarfinni/nunaqarfinni pingasuusuni anartarfilerisarnermut immikkkoortumik kiisalu anartarfilerisarfinnut iliuusissatut pilersaarummik aamma anartarfilerisarnermut sullitat kuuffissuarmut attavilersinnaaneritut nassuiaavoq.

Taakku saniatigut imermut errortuivikumut pilersaarut nunap assingunik titartakkanik sumiiffinni pingasuusuni Sisimiuni, Maniitsumi Kangerlussuarmilu kuuffissuarnut pissutsinik pioreersuni siunissamilu pissutsinik takutitsisunik imaqarpoq. Titartakkani illut anartarfilerisarnermut atassutillit aappalaartumik nalunaaqutseqqapput, illullu imikumik katersuinerumut aqqiisummiittut sungaartumik nalunaaqutseqqapput. Titartakkani maannakkut immikkoortut kuuffissuallit orange-mik nalunaaqutseqqapput, immikkoortut kuuffissuaqanngitsut tungujortumik nalunaaqutseqqallutik - immikkoortunik taakkunanga pingaarnersiuneq kiisalu sanaartornermut aningaasartuutissatut missiliukkat piffissatut pilersaarummi kapitali 15-imi takuneqarsinnaapput (ilanngussaq 7-imi ilanngunneqarput).

Atuilluartuunissakkut kingunerisinnaasai

Qeqqata Kommunianut imermut errortuivikumut pilersaarummik anguniagaasoq pingaaneq tassaavoq, piffissaq qaninnerusoq ungasinnerusorlu isigalugit imeq errortuivikoq eqqiluisaartumik avatangiisinullu illersorsinnaasumik suliarineqartarnissaa iginneqartarnissaalu. Imermut errortuivikumut pilersaarutip kuuffissuit kuuffiini kuutsitsiffigisanik avatangiisinik misissuinissamik aallartitsisoqarnissaanik siunnersuusiorfiuvoq, kommunimi kuutsiffigisami ataatsimi arlalinniluunniit saliinermut atortulersuummik pilersitsinissamut pisariaqartitsinermik naliliinissaq siunertaralugu.

Qeqqata Kommuniata pilersaarusiornermut periusissiaa 2018-2022 naapertuuttumik Maniitsumi Sisimiunilu kuuffissuit aqquataannik suli annertusaanissaq pilersaarutaavoq. Taassuma innuttaasut amerlanerusut aqqummut attavilersinnissamut periarfississavai, taamaalilluni illoqarfinni imeq errortuivikoq annertunerusoq ullumikkornit, inoqutigii amerlasuut suli anartarfilerisarnermut puussianit

atuiffianni, eqqilunnerusumik suliarineqarsinnaalluni. Kuuffissuarnik annertusaaneq ilutigalugu kommunip anartarfilerisarnermut aaqqiissutaa atorunnaarsikkiartorneqassasoq naatsorsuutigineqarpoq.

Aningaasaqarnikkut allaffissornikkullu kingunerisinaasai

Imermut errortuivikumut pilersaarummi tamakkiisumi kapitali 15-imi piffissatut pilersaarutit takutippaa, imermut errortuivikumut pilersaarummi suliniut taakkatorneqartunut piffissatut pilersaarut kiisalu taakkununga atasunut sanaartornermut ingerlatsinermullu aningaasartuutitut missiliuutit. Suliniutit qorsunnik nalunaaqutseqqasut suliniutit salliutitat takutippaat. Suliniutit sanaartornermut atuiffik atorlugu akilerneqartussat Sisimiuni Maniitsumilu kuuffissuarnik nutaanik pilersitsinissamut maannakkut aningaasaliissutaasut katillugit ukiumut 6 mio. koruuninik kiisalu kuuffissuit aqqaataannik nutarterinissamut ukiumut 3,499 mio. koruuninik tunngaveqartumik imermut errortuivikumut pilersaarutit ingerlanerata iluani salliutinneqartussat, taamaalilluni imermut errortuivikumut immikkoortup iluani suliniutitut pitsangorsaataasunut suliniutitut sanaartornermut missingersuutit katillugit ukiumut 9,499 mio. koruuninik peqassalluni. Maannakkut sanaartornermut missingersuutit katillugit ukiumut 9,499 mio. koruuninik, Maniitsumi ullumikkut immikkoortut kuuffissualersugaanngitsut ilanngullugit suliniutit salliutitat tamarmik 2030-mi naammassineqassagaluarput. Sisimiuni immikkoortut ullumikkut kuuffissualersugaanngitsut 2033-mi naammassineqassagaluarput, tassaalluni imermut errortuivikumut pilersaarummi piffissatut atuuffissaq ukioq kingulliusoq. Piffissatut atuuffissaata sivikillinissaa kissaatigineqarpat, kuuffissuarnut nutaanut aningaasaliissutit qaffannissaanik piomasaaqatitaqassaaq. Kangerlussuarmi inissianit imikumik katersuivittalinnit kuuffissuarnut tamanut atugassianut aqqaataannik pilersitsinissamut, maannakkut tankinut aaqqiissummumut akiliisarnermiit akisunerussaaq. Taamaalilluni imermut errortuivikumut pilersaarut Kangerlussuarmi kuuffissuarnik annertusaqqinnissamik imaqqanngilaq.

Piffissatut pilersaarummi suliniutit orange-mik nalunaaqutseqqasumiittut, piffissami matumani aningaasaliiffigineqarnikuunngillat aammalu taakkunanga piviusunngortitsinissaaq ilassutitut aningaasaliinissamik pisariaqartitsissaaq. Uani ilaatigut assersuutigalugu taaneqarsinnaavoq saliinermut atortulersuummik pilersitsineq. Illoqarfinni/nunaqarfinni pingasuusuni tamani kuutsiffigisani avatangiisitigut misissuineramik aallartitsisoqarnissaa imermut errortuivikumut pilersaarutit siunnersuutigivaa, saliinermut atortulersuutit ataatimik arlalinnilluunniit pilersitsinissamut pisariaqartitamik nalilersuinnissamut kuutsitsiffigisat qanoq issusaannut paasissutissanik naleqqiussissutissanik pissarsiniarluni.

Kuuffissuit aqqaataannik ingerlatsinermut aningaasartuutit Maniitsumi Sisimiunilu kuuffissuit aqqaataannik annertusaaneq ilutigalugu qaffassasut naatsorsuutigineqarpoq. Siunissami ingerlatsinermi aningaasartuutissatut naatsorsuutigisat piffissatut pilersaarummi eqitsimi takuneqarsinnaapput. Ullumikkut illut kuuffissuarnut tamanit atugassianut attavilinninngaaniit ingerlatsinermi akiliisarnissamik Qeqqata Kommunia akiliisitsineq ajorpoq. Tak. Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat normu. 10, 12. juni 2015-imeersoq, kommuni maleruagassaqarnikkut imermut errortuivikumut akiliutissamik aalajangersaanissamut periarfissaqarpoq.

Imermut errortuivikumut pilersaarutit kommunimut siunnersuutigivaa, pilersaarusiortiusup ingerlanerani inoqutiginnut kuuffissuit aqqaataannut tamanit atugassianut attavilinnut imermut errortuivikumut ukiumut akiliuteqartarnissamik atuutilersitsissasoq. Akiliutaasoq kommunip kuuffissuit aqqaataannik aserfallatsaalinermut ingerlatsinermut aningaasartuutit tamakkiisumik ilaannakortumilluunniit matussutaassaaq. Sisimiuni, Maniitsumi Kangerlussuarmilu inoqutigiit/paaqqinnittarfiit/suliffeqarfiit kuuffissuarmut attavillit amerlassusaanik ingerlatsinermi aningaasartuutit 100 procentimik

agguataarinnermi, inoqutigiiit/paaqqinnittarfik/suliffeqarfik ukiumut ingerlatsinnermut akiliutissaat ukiumut 482 koruuniusaaq, Qeqqata Kommunia tamakkerlugu 2020-2023-mi kuuffissuarnut ingerlatsinnermut aningaasaliissutinit naatsorsorlugu ukiumut 1.644.000 koruunit aammalu inoqutigiiit 3210 missaaniittut + suliffeqarfiit/paaqqinnittarfiit 200-t.

Kuuffissuit annikitsortaanut illut akiliutissaat aammalu immikkoortuni nutaani attavilersinissamut akiliutaasartoq ullumikkut sanaartorfissagissaanikkut pisarpoq. 1999 sioqqullugu Namminersornerullutik Oqartussanit naalagaaffimmiillu attavilersinnermut akiliut 0 koruuniuvoq. Nutaamik sanaartorfissagissaanerup avataatigut ukioq 2000 kingorna kuuffissuarnik pioreersunik pilersinneqarnikunik attavilersinnermut akiliut kuuffissuarmut attavilersinnermut Maniitsumi 15.000 koruuniuvoq. Sisimiunut attavilersinnermut akiliut immikkoortumiit immikkoortumut nikerarpoq. Immikkoortuni Qiviarfimmi, Kaaliikassaap Aqqaataani, Jansenip Aqqaataani attavilersinnermut akiliutaasartoq 30.000 koruunit atorunnaarpoq. Siimuup Aqquserna-ni attavilersinnermut akiliut 49.800 koruuninik annertussuseqarpoq. Attavilersinnermut akiliutit illuutilinnut kuuffissuarmut attavilersinnissamut akimmiffiusarsimapput, akigititallu assigiinngitsut allaffissornikkut ajornakusoorsimallutik. Imermut errortuivikumut pilersaarummi siunnersuutigineqarpoq, kuuffissuit aqqaataannut pioreersunut tamanut attavilersinnermut akiliutaasartoq siunissami 0 koruunissasoq.

Ullumikkut immikkoortuni inoqutigeeqarpoq, anartarfilerisarnermut aaqqiissummut ilaasunik, kuuffissuarnut tamanut atugassianut attavilersinnissamut periarfissalinni. Kuuffissuit aqqaataannut attavilersinissamut kajumissaatitut, imermut errortuivikumut pilersaarummi siunnersuutigineqarpoq, anartarfilerisarnermut aaqqiissummut akigitinneqartut ukiumut 10 procentimik qaffanneqartassasut, aaqqiinnermi aningaasartuutit 100 procentimik matussusiinissap angunissaata tungaanut. Boligstøtte aqqtigalugu illunut, tapiisinnaanermut aaqqissuussineq Namminersorlutik Oqartussanit kommunimit tiguneqarnikuuvoq, taamaaliornikkut siusinnerusukkut BSU aqqtigalugu illuni innuttaasut najugaqartut pitsanngorsaannissamut/nutarsaalluni suliniutinut 100.000 koruunit tikillugit qinnuteqarsinnaallutik. Imermut errortuivikumut pilersaarummi siunnersuutigineqarpoq, tapiiniarnermut qinnuteqaatinut atatillugu kuuffissuarnut tamanut atugassianut attavilersinnissaq pillugu suliniutit siunissami kommunip sallitissagai.

Allaffeqarfiup naliliinera

Piffissatut pilersaarummi eqitsimmi ilanngussaq 6-imi, kuuffissuaq nutaajugaangat mio. koruunit ataasiugaangat kuuffissuarmut inissiat amerlanerpaat attavilersinnissamut periarfissiisoq, immikkoortunit toqqakkanit Sisimiuni siullertut kuuffissualersugassatut tulleriaarneqarput. Maniitsumi kuuffissuit aqqaataat nutaaq inissiat sinneri kuuffissualersinnaanngorpata atsaat pilersinneqassaaq, taamaalilluni kuutsiffigisanit kuuffissualiorneq aallartinneqarluni kuuffigisami sarfamut ingerlaqqittussaq. Tamanna sanaartornermut aningaasaliissutitullu arnerpaamik atuilluarnissatut nalilerneqarpoq, kisianni Sisimiuni immikkoortut kuuffissualersugassanik tulleriaarinerup allanngortinnissaa politikikkut periarfissaqarpoq.

Imermut errortuivikumut pilersaarutit imermut errortuivikumut akiliisitsisarnissamik atuutsitsilernissamut periarfissamik takussutisiivoq. Akiliisitsisarnermik atuutsitsilersoqassanersoq, inissiamut/suiffeqarfimmuut ataatsimut akiliutissaq qanoq aalajangersarneqassanersoq kiisalu akiliutitssap annertussusissaa, kingusinnerusukkut immikut aalajangerneqassaaq. Tamanut tusarniaareernerup kingorna, imermut errortuivikumut pilersaarut oqaaseqaataasinnaasut tusarniaanermilu akissuteqaatit tiguneqartut ilanngullugit Aningaasaqarnermut ataatsimiititaliamut Kommunalbestyrelsimullu inaarutaasumik akuersissutissanngorlugit saqqummiunneqaqqissapput.

Innersuussut

Teknikkimut avatangiisinullu immikkoortortap Teknikkeqarnermut Ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigaa,

- Imermut errortuivikumut pilersaarutit 2021 - 2026 siunnersuut sapaatit akunnerini arfineq-pingasuni tamanut tusarniutissanngorlugu akuersissutigineqassasoq

Aalajangiineq

UT tullissaani ataatsimiitsinnagu immikkoortoq taanna Teknikkeqarnermut ataatsimiititaliap isummerfiginiangilaa, immikkoortoq annertummat sulilu ataatsimiititaliami suliarineqarnissaanik pisariaqarmat. Ataatsimiititaliap kissaatigivaa, ataatsimiinnissamut tullermut immikkoortoq pillugu sullissisumit annertunerusumik oqaluttuartumik nassuiaateqartoqassasoq

Ilanngussat

1. Qeqqata Kommuniani Imermut errortuivikumut pilersaarummut 2021-206 (2027-2033) siunnersuut (pilersaarut tamakkiisoq)
2. Pilersaarutip ilaa 1 – Kuutsiffigisanut pissutsit GRL + DK
3. Pilersaarutip ilaa 2 – Kuuffiissuit aqputaat GRL + DK
4. Pilersaarutip ilaa 3 – Kuuffissuarnik nutarsaaneq GRL + DK
5. Pilersaarutip ilaa 4 – Anartarfilerisarneq GRL + DK
6. Piffissatut pilersaarut: suliniutit aningaasaqarnerlu
7. Nunap assingi: S-1, M-1 aamma K-1.
8. Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq

Imm. 5.1 Kalaallit Nunaannik nunap ilusaanut nunap assiliornissamut nutaamut satellitsikkut assiliisarnissamut salliutitsineq pillugu tusarniaanermi akissuteqaat

Journal.nr.00.03

Tunuliaqutaq.

Kalaallit Nunaannik nutaamik nunap assiliornissami satellitsikkut assilisanik neqeroortitsinissamut atatillugu soqutigisanik salliutitsinissaq pillugu tusarniaanermi akissuteqartoqarnissaa pillugu Nuna tamakkerlugu pilersaarusiortarfik, Aningaasaqarnermut Naalakkersuisoqarfik 2020-mi aggustip aqqarnani qinnuiginninnikuvoq. Tusarniaanermi akissuteqarnissamut piffissaliussap sivikinnera pissutigalugu tusarniaanermi akissuteqaat allaffissornikkut saqqummiunneqarpoq.

Maleruagassatigut tunngavigisaq:

- Kalaallit Nunaanni Namminersorlutik Oqartussat aamma Styrelsen for Dataforsyning for Effektivisering akornanni "Kalaallit Nunaannik nutaamik nunap assiliorneq" pillugu suleqatigiinnissamik isumaqatigiissut.

Pissutsit atuuttut

2014-2017-imi Styrelsen for Dataforsyning og Effektivisering (SDFE) aamma Namminersorlutik Oqartussat akornanni suleqatigiinnikkut nunap timaani nunap ilusaanik satellitsikkut nunap assiliorneq pillugu pilersaarutaasumik suliniummik ingerlatsisoqarpoq. Pilersaarutaasumik suliniummi malitsitatut aalajangiunneqarpoq, Kalaallit Nunaat nunap timaani nunap ilusaanik nutaamik nunap asseqalissasoq. A.P Møllerfonden, Illersornissaqarfik aamma SDFE-mit 62 million koruuninik aningaasaliiffineqartumut pilersaarutaasumik suliniutip inernerinit nutaamik nunap assiliorneq ingerlaqqissaaq. Suliniut 2019-imiit 2022 tunganut ingerlavoq.

Nutaamik nunap assiliornermi atugassaq pingaartoq tassaavoq, satellitsiminngaaniit assilisanik (ortofoto) pissarsinissaq. Kalaallit Nunaata sikuneq ajortortaa satellitsikkut assilisanik ersarissunik tamakkersinnaanera ajoraluartumik periarfissaanngilaq. Taamaattumik suliniummi immikkoortut immikkut soqutiginantut salliutinneqassapput. Ingerlanissamut tassunga soqutigisanut kortimik aammalu sammisanut kortimik SDFE suliaqarnikuvoq, tassani immikkoortunut salliunneqartussanut siunnersuut ersippoq.

Kalaallit Nunaannik nutaamik nunamik assiliornermi satellitsikkut assilisanik neqeroortitsinissamut immikkoortunik soqutigisinnaasanik salliutitsinissamut tunngatillugu soqutigisanut sammisanullu kortinut Nuna tamakkerlugu pilersaarusiortarfiup Qeqqata Kommunian oqaaseqaateqarnissaa pillugu qinnuiviginikuuaa. Tusarniaanermi akissuteqaat Qeqqata Kommunian sinnerlugu TAI-mit Sisimiuni suliarneqarnikuvoq. Tusarniaanermi akissuteqaat ilanngussatut kakkiunneqarpoq siullertut aappaattullu.

Allaffeqarfiup nalilerpaa, soqutigisanut sammisanullu kortini Qeqqata Kommunian nunap timaani ingerlatsinermut atatillugu pingaarutilinnik immikkoortunik ilaatitsisoqartoq, taakkununga ilanngullugu illoqarfiit nunaqarfillu eqqaanni, UNESCO-qarfimmi, Arctic Circle Trail pisuttarfimmi, Arctic Circle Road (Kangerlussuup Sisimiullu akornanni ATV-nut aqqutissap ingerlavissaa), immikkoortut pilersuiffiusut (erngup nukinga atorlugu nukissiorfik, tele-p attaveqaatai aamma imermik imigassaliorneq), immikkoortut sukisaarsaarfissaqqissut kiisalu illuaraqarfiit ilanngullugit akunnilersuineq.

Illuaraqarfinnik nunap assiliorneq pillugu tusarniaanermi akissuteqaammi allaffeqarfiup maluginiaqquaa, Kommunimi illuaqqiorfissat pillugit kommunip pilersaarusiordfigineqarneranut tapiliussaq normu. 56 inaarutaasumik akuersissutigineqarnikuusoq. Kommunip pilersaarusiordfigineqarnerani tapiliussami 15

nunap assinga illuaraqarfinnit pioreersunik nutaanillu titartagartaqarpoq. Kommuniq pilersaarusiordfigineqarnerani illuaraqarfiit A, B, C-tullu nalunaarsorsimasut nutaamik nuna assiliorluni sulinermi salliutinneqassasut Qeqqata Kommuniata qinnuiginnissutigivaa.

Atuilluartaunissakkut kingunerisinnaasai

Nunap timaanut nunap assinganut tunngavigisat ullumikkut amigarpallaarlutillu eqqunngippallaarput. Satellitesimik aallaavilimmik nunap assingi nutaat, nunap timaani suliaassanik suliarinninnermut tapertaassapput taamaaliornikkullu nunap timaanik kommunip aqutsiviginninneranik naammassisaqarnerulersitsillunilu pitsaanerulersitsissaaq.

Aningaasaqarnikkut allaffissornikkullu kingunerisinaasai

Ilanngussaqaqngilaq.

Allaffeqarfiup naliliinera

Kalaallit Nunaannik nunap assinganik nutaanik suliaqarneq allaffeqarfimmit pitsaasutut isigineqarpoq, nunap timaani kommunip pilersaarusiordluni suliaqarneranut atatillugu nunap assingi nutaat atorneqarsinnaassammata, kiisalu nunap timaani illuaqqiornissaq pillugu qinnuteqaatit pillugit sullissineq oqinnerulissammat.

Innersuussut

Sisimiuni Teknikkeqarnermut Avatangiisinullu immikkoortortap Teknikkeqarnermut ataatsimiititaliamut akuereqqullugu innersuussutigaa,

Nunap ilusaanik nunap assingi nutaat pillugit tusarniaanermi akissuteqaat tusaatissatut tiguneqassasoq

Aalajangiineq

Immikkoortoq Teknikkeqarnermut ataatsimiititaliamit **tusaatissatut** tiguneqarpoq

Ilanngussat

- 1 Tusarniaanermut akissuteqaat DK
- 2 Tusarniaanermut akissuteqaat GRL
- 3 Tusarniaanermi atortut
- 4 Nunap assinga

Imm.06 Tamalaat

- Aalisartut piniartullu isumasioqatigiisinneqarnerat
 - Corona patsisaalluni isumasioqatigiisitsinissap, arlaqartut qaaqusaaffiginikuusaata piviusunngortinnissaa nalornissutigineqarpoq. Progammpip suliarineqarnerani peqataasussanit qulequttatut kissaatigineqartut aallaaviunikuupput. Aalisarnermut piniarnermullu sammisaqartut assigiinngitsut isumasioqatigiisitsinermi saqqummiisussatut peqataasussatulluunniit qaqquneqarnikuupput. Ataatsimiinnermut pilersaarut tiguneqarpoq, peqataasussanullu tamarmiusunut tunniunneqarluni. Peqataanisamut nalunaarfissaq kingusinnerpaamik tallimannorneq septembarip 11-iani 2020. Isumasioqatigiinnissaq ataatsimiititaliami ilaasortanit isumalluarfigineqarpoq aammalu pilersaarut naammagisimaarneqarluni.
- Kalaalimineerniarftiit akiinut killiffik
 - Innuttaasunit ataatsimiisitsinerup kingorna kommuni piniartut peqatigiiffiisa aappaanut arlaleriarluni saaffiginissuteqarpoq, maanamut suli akineqanngitsunik. Piniartut peqatigiiffiisa aappa akissuteqarpoq. Kalaalimineerniarfimmi akit pillugit paasisutissat piusut aallaavigalugit ataatsimiititaliamit isummerfiginiarneqarput. Taamaammat ataatsimiititaliap tamanna pillugu peqatigiiffinnik oqaloqateqarniarpoq. Ataatsimiititaliap pingasunngorneq 16.9.20-mi ataatsimiinnissamut qaaqqsiniarpoq. Tamanna pereerpat kalaalimineerniarfimmi akit pillugit immikkoortut suliarineqaqqilluni inaarutaasumik akuersissutigineqassaaq. Siunissami kalaalimineerniarfinni akinut allatut isumaqatiginnittariaaseq immaqa eqqartorneqarsinnaavoq, tamanna ilaatigut isumasioqatigiisitsinermi eqqartorneqarsinnaavoq.
- Sisimiuni eqqaaveqarfik ikuallappoq, tamanna pillugu aamma nassuiaasoqarnissaa kissaatigineqarpoq.
 - Arfininngornermi 29. august 2020-mi eqqaavissuaq ikuallappoq, videomi immiussami inunnik ersittoqanngilaq. Baalia plastikkeq uuliaminermik imalik aamma ikuallalersimavoq. Ikuallannerup sumingaanniik aallartissimasinnaanera ilisimaneqanngilaq, kisianni inummiit piaaraluni ikuallatitsinerunngilaq. Qaartorneq tusaaneqarsimavoq. Maannakkut ulloq unnuarlu ikuallaffiunikumi pigaartoqartarpoq. Ikuallattoq erngertumik ajoqusernertaqanngitsumillu qaminneqalertorpoq.
- Qimmiliviit nuunneqarnissaannut akuerineqareernerisa kingorna qanorpiaq pisoqarpa?
 - *Qimmiliviit qanoq ingerlanneqarnerat pillugu nassuiaammik ataatsimiititaliap kissaateqarpoq aammlau ataatsimiititaliap tullissaani ataatsimiinnissaani paasisutissiissutitut immikkoortumik kissaateqarpoq.*
- Ukiuni kingullerni nunaqarfinni puttasunik toqqorsivinnillu pitsanngorsaaneq.
 - Maniitsoq aamma Sisimiut kisitsisinik pingaarnernik kissaatinillu peqarluni atuiffimminnik immikkut ingerlatsipput. Sarfanguani toqqorsivinnut toqqavissat suliarineqaleruttorput, Sisimiunullu puttasut assartorneqarput, upernaallu ingerlanerani toqqavissap kuineqarfissaanni tikinnissaat naatsorsuutigineqarpoq.
- 2020-mut akigitat
 - Immikkoortoq KommunalbestyrelsimIT oqallisissatut ingerlateqqinneqarpoq. Uani 06/20-mi TA-p aalajangiinera aallaavigineqarpoq. Tamatuma kingorna ataatsimiititaliap isummissaaq.
- Umiatsianut tinutittarfik
 - Sisimiuni angallatinut anginerusunut tinutittarfik pillugu umiarsualiveqarnermut siunnersuisoqatigiinnit isummerfigeqquneqarpoq.

- Anartarfilerineq
 - *Ataatsimiinnissap tullissaanut nunaqarfinni imermut errortuivikumut tunngatillugu ilisimatitsissutitut paasissutissiisusiortoqarnissaa kissaatigineqarpoq.*
- Kalaalimineerniarfinnik pitsanngorsaaneermut aningaasat atugasat 6.5 mio koruuniupput.
 - Siusinnerusukkut KB aalajangiineri maannakkullu KB-usoq sioqqullu aalajangiinerit aallaavigalugit Sisimiuni kalaalimineernairfimmik pitsanngorsaaneermut aningaasat suminngaanniissanersut allaffeqarfip misissussavai.
- Sisimiuni attaveqaateqarnikkut pitsanngorsaaneq.
 - Attaveqaatit ajornerini oqaluuserisassat ilanngussallu piuminarnerusumik pissarsiarisinnaanissaat kissaatigineqarpoq, allaffeqarfimmit tamanna tusaatissatut tiguneqarpoq.
- Suleriaasissaq
 - Siunissami suleriaatsip pimoorullugu tiguneqartarnissaa kissaatigineqarpoq.

Ataatsimiinneq naavoq nal. 15:45